

BOSNIA AND HERZEGOVINA  
FEDERATION OF BOSNIA AND HERZEGOVINA  
**MINISTRY OF TRANSPORT AND COMMUNICATIONS OF  
THE FEDERATION OF BOSNIA AND HERZEGOVINA**

Broj: 02/2-2-02-2-192/26  
Mostar, 17.02.2026. godine

**ZASTUPNIČKI DOM PARLAMENTA FEDERACIJE BiH**

⊖ n/p tajnik

- n/p gosp. Mirza Čelik, zastupnik

**VLADA FEDERACIJE BiH**

- n/p gđa. Edita Kalajdžić, tajnik

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 26-02-2026			
Org. jed.	Broj	Priloga	Vrijednost
05/1	-02-	29	/26

**PREDMET:** Odgovor na zastupničko pitanje, dostavlja se

**Veza:**

- ⊖ akt broj: 05/1-02-29/26 od 22.01.2026. godine  
- akt broj: 03-04-155-22/26 od 26.01.2026. godine

**PREDMET:** Odgovor na zastupničko pitanje- gđin. Mirza Čelik, dostavlja se

Poštovani,

Federalnom ministarstvu prometa i komunikacija, aktom broj: : 03-04-155-22/26 od 26.01.2026. godine, dostavili ste zastupničko pitanje, koje je postavio gosp. Mirza Čelik - zastupnik u Zastupničkom domu Parlamenta Federacije Bosne i Hercegovine. **Zastupnik Čelik je zatražio informaciju o stanju u JP Međunarodnom aerodromu Sarajevo.**

JP Međunarodni aerodrom Sarajevo, dana 12.12.2026. godine, podnio je prijedlog za upis podataka u sudski registar - upis podataka od značaja za pravni promet u glavnu knjigu registra.

Općinski sud u Sarajevu je, dana 14.01.2026. godine, donio Zaključak, broj: 065-0-Reg-25-005294 od 14.01.2026. godine kojim je naložio predlagatelju JP Međunarodni aerodrom „SARAJEVO“ d.o.o. Sarajevo da u roku od 30 dana od dana prijema dopuni prijavu za upis u skladu sa odredbama Statuta JP Međunarodni aerodrom „SARAJEVO“ d.o.o. Sarajevo.

Vlada Federacije BiH je, postupajući u skladu sa Zaključkom Općinskog suda, usvojila Zaključak kojom je usvojila Informaciju Federalnog ministarstva prometa i komunikacija o potrebi donošenja odluka Vlade u vezi sa JP Međunarodni aerodrom "SARAJEVO" d.o.o. Sarajevo i da se bez odgode razmotri i postupi po prijedlogu Odluke o davanju prethodne suglasnosti za razrješenje članova Nadzornog odbora i prijedlogu Odluke o davanju prethodne suglasnosti za imenovanje vršilaca dužnosti članova Nadzornog odbora radi uspostavljanja funkcionalne upravljačke strukture. Naposljetku, Vlada Federacije BiH je zadužila JP Međunarodni aerodrom "SARAJEVO" d.o.o. Sarajevo da bez odlaganja poduzme sve potrebne radnje radi provedbe Zaključka Općinskog suda u Sarajevu, uključujući izvršenje upisa u sudski registar, kako bi se izbjegle negativne posljedice po poslovanje Društva i status operatora.

U cilju realizacije Zaključka, Skupština JP Međunarodni aerodrom „SARAJEVO“ je dana 09.02.2026. godine zbog rješenja Vrhovnog suda Federacije Bosne i Hercegovine, broj: 70 I K 000051 25 Kpp 2, razriješila dužnosti članove Nadzornog odbora JP Međunarodni aerodrom „SARAJEVO“ d.o.o. Sarajevo, i to:

- Benjamin Mešak, predsjednik,
- Adnan Mahmutović, član i
- Žan Matić, član.

Istovremeno, Odlukom Skupštine JP Međunarodni aerodrom „SARAJEVO“ d.o.o. Sarajevo imenovani su:

- Faris Godinjak, v.d. član,
- Mirela Kapetanović, v.d. član i
- Ajla Popovac Behmen, v.d. član.

Nadzorni odbor JP Međunarodni aerodrom „SARAJEVO“ d.o.o. Sarajevo, postupajući u skladu sa odredbama Zakona o privrednim društvima, Statuta Društva i drugim važećim propisima, razmatrao je pitanje razrješenja i imenovanja shodno Zaključku Suda i donio Odluke o razrješenju i imenovanju vršioca dužnosti članova Uprave JP Međunarodni aerodrom „SARAJEVO“ d.o.o. Sarajevo.

JP Međunarodni aerodrom „SARAJEVO“ d.o.o. Sarajevo je postupio sukladno prednje navedenom Zaključku Općinskoga Suda u Sarajevu.

S poštovanjem,



Dostavljeno:

- ① Naslovu
- Evidenciji
- Arhivi